

Kalaallit Nunatta pigisaannik aningaaserivimmik pilersitsinerup iluaqutissartai aammalu aporfissarisinnaasaasa misissorneqarnissaanik, ilanngullugu pilersitsinerup suut piumasaqaatitariumaagai, soorlu aningaasartuutissat aammalu sulisussat pillugit Naalakkersuisut peqquneqassasut inatsisartut aalajangiiffigisassaattut siunnersuut.
(Inatsisartunut ilaasortaq Anthon Frederiksen, Partii Naleraq)

Akissuteqaat

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

Aappassaaneerera

Naalakkersuisut sinnerlugit Aningaasaqarnermut Akileraartarnermullu Ataatsimiititaliaq sukumiisumik isumaliutissiissusiaat pillugu qujassuteqassaanga.

Maluginiarsimavara amerlanerussuteqartut siunnersuut akuerisassanngorlugu innersuussutigigaat, aammattaaq misissuinermit atatillugu pissutsit ataatsimiititaliap Naalakkersuisunut malugeqqusai taakkartorneqarsimasut.

Naalakkersuisut nassuiaat UKA2018-imi agguaassinnaassallugu naatsorsuutigaat.

Taamatut naatsumik oqaaseqarfigalugu siunnersuut akuersissutigineqassasoq inassutigineqarpoq.